


**TRUTH  
CENTERED  
TRANSFORMATION**

*MODYUL*



# **ASIN AT ILAW TALAAN NG KALAHOK**

# Aralin 1: Tatlong Kwento

**Komunidad # 1:** Sa isang nayon, kapag mayroong magkakasakit, ang albularyo ang darating at kaniyang sasabihan silang maghandog ng isang hayop upang makatanggap ng payo at gamot. Nang natutunan ng mga Kristiano sa programa ng TCT ang tungkol sa kalusugan, kanilang sinimulang gamitin ang mga natutunang aralin upang gamutin ang mga Karaniwang mga sakit para sa kanilang sarili ang mga kapitbahay. Lahat ng mga tao sa kanayunan ay nakikita na ang mga taong sumusunod sa payo ng mga Kristiano ay gumagaling kahit hindi sila naghahandog ng isang hayop. Ngayon ang buong nayon ay nagsisikap na maiwasan at gamutin ang mga karamdamang sa halip na maghandog ng isang handog na hayop. Dahil dito ay nakatipid sila ng pera at napapanatili nilang malusog ang kanilang mga katawan! At lumalabas na ang paglilingkod sa Diyos ay nagpapahusay ng pamumuhay ng mga Kristiano. Napapahusay rin nito ang buhay ng iba!






**Komunidad # 2:** Sa isang nayon, sa tuwing anihan, maraming tao ang tutulong sa may-ari sa kanyang sakahan, ngunit kailangang maghanda ng maraming pagkain at inumin o alak para sa bawat isang tumulong. At minsan ang halaga ng nagastos sa araw ng anihan ay higit na Malaki kaysa sa kikitain mula sa inani! Pagkatapos mapag-aralan ang “Pagpapamalas ng Pag-ibig” o ‘Acts of Love,’ ang mga Kristiano sa kanayunan ay nagpasyang tumulong sa kanilang kanayon anihin ang kanilang pananim na hindi sila hihingi ng anumang bayad o kailangan pang pakainin. Ikinagulat ito ng mga tao na ang mga Kristiano ay hindi lamang nagtutulungan, kanila ring tinutulungan ang mga tao sa labas ng iglesia. Di kalaunan, nakita ng iba pang mga tao sa kanayunan ang ginagawa ng mga Kristiano at huminto na rin silang umasa o obligahin ang may-ari na pakainin at painumin sila. Ngayon ang bawat isa sa nayon ay handang magtrabaho sa mga sakahan ng kanilang kanayon nang libre. Ang bawat nagtatrabaho sa tuwing anihan ay nagdadala ng kani-kanilang sariling pagkain, at masya silang sama-samang nagtatrabaho. Bunga nito, ang bawat pamilyang nagtatanim ay nagkakaroon ng magandang kita mula sa kanilang ani. Ngayon, ang panahon ng anihan ay isang pinapanabikang panahon dahil hindi na sila nangangamba sa kanilang gagastusin para sa ipapakain sa mga tutulong umani at sa halip, ang kanilang kita ay kanilang nang maipangpupuno para sa pangangailangan ng kanilang pamilya. Ang aking pinagtatakanan ay bakit tinutulungan ng iglesia ang ibang mga tao kahit na ang mga ito ay hindi mga mananampalataya? Mabuti sigurong tanungin ko na lamang sila...





**Komunidad # 3:** May isang nayon na kanilang ginawa ang “Pagpapamalas ng Pag-ibig” o ‘Acts of Love’ na regular na bahagi ng kanilang pang-araw-araw na pamumuhay. Sila’y gumagawa ng “Pagpapamalas ng Pag-ibig” lingo-lingo. Sa katotohanan nga, itong kasanayan ay naging Karaniwang pamamaraan na ng kanilang pamumuhay sa ngayon, kailanman may makita ang isa ng pangangailangan, sila ay titigil sa kanilang ginagawa at magsisikap na masolusyunan ang problema. Kung may mga bato o mga basura sa daan, sila’y hihinto upang tanggalin ang mga ito. Ang kanilang nayon ay dating isa sa pinakamaruming nayon, di umuunlad sa bayan.

Ngunit ngayon ay napakalinis na nito at kanilang mabuting napapangalagaan ang kanilang nayon. Sila ay kamakailan lamang ay nakapagtayo na ng kanilang magandang simbahan mula sa kita ng mga masisipag na kasamahan at ang kanilang pinagsama-samang ambag! Ang pagbabagong nangyari sa nayon ito ay nakita nang lahat na napadaan sa lugar na ito. At ito rin ay nararamdaman ng mga taga roon dahil sa kung papaano sila nakikitungo sa isa't-isa. Ang bawat isa sa nayong ito ay higit na masasaya at labis na nagpapasalamat na sila'y pinakitaan ng pagmamahal ng mga tao ng iglesia, pagmamahal na sapat upang kanilang makitaang mas mahusay na uri ng pamumuhay.










- Ano ang ginawa ng iglesia ayon sa kwento?
- Ano ang mga pagbabago na nangyari sa komunidad?
- Paano tumugon o ano ang naging reaksiyon ng mga tao sa nayon?
- Ano ang naging pagtingin ng mga tao sa komunidad patungkol sa iglesia sa ngayon?
- Paano tayo magiging higit na katulad ng iglesiang ito?

## Aralin 4: Hakbang sa Pagtatagumpay sa Kasalanan










HAKBANG	LARAWAN	TALATA SA BIBLIA
SA PAGWAWAKSI NG KASALANAN		
1. Kilalanin ang Kasalanan		<b>Awit 139: 23–24</b> <i>“<sup>23</sup> O Diyos, ako'y siyasatin, alamin ang aking isip, subukin mo ako ngayon, kung ano ang aking nais; <sup>24</sup> kung ako ay hindi tapat, ito'y iyong nababatid, sa buhay na walang hanggan, samahan mo at ihatid.”</i>
2. Ipahayag at Mapatawad		<b>I Juan 1:9</b> <i>“Subalit kung ipinapahayag natin ang ating mga kasalanan, patatawarin tayo ng Diyos sa mga ito, at lilinisin tayo sa lahat ng ating kasalanan, sapagkat siya'y tapat at matuwid.”</i>
3. Magsisi at Magkumit		<b>Job 31:1</b> <i>“Ako'y taimtim na nangako sa aking sarili, na di titingin nang may pagnanasa sa ibang babae.”</i>
PAGBABAGO NG ATING ISIPAN		
4. Araw-araw na Panalangin		<b>Roma 7:19–20</b> <i>“<sup>19</sup> Sapagkat hindi ko ginagawa ang mabuting gusto ko, ang masamang hindi ko gusto ang siya kong ginagawa. <sup>20</sup> Kung ang ginagawa ko ay hindi ko nais, hindi na ako ang gumagawa nito kundi ang kasalananang naninirahan sa akin.”</i>  <b>Mateo 26:41</b> <i>“Magbantay kayo at manalangin upang huwag kayong madaig ng tukso. Ang espiritu'y nakahanda ngunit ang laman ay mahina.”</i>
5. Pagkokontrol ng Ating Isipan		<b>Roma 12:2</b> <i>“Huwag kayong makiayon sa takbo ng mundong ito. Sa halip, hayaan ninyong baguhin ng Diyos ang inyong pag-iisip upang maunawaan ninyo ang kanyang kalooban. Sa gayon, magagawa ninyo kung ano ang mabuti, kalugud-lugod at ganap na kalooban ng Diyos.”</i>  <b>Colosas 3:2</b> <i>“Ang mga bagay na panlangit ang isaisip ninyo, hindi ang mga bagay na panlupa,”</i>  <b>II Corinto 10:5b</b> <i>“...at binibihag namin ang lahat ng isipan upang matutong sumunod kay Cristo.”</i>  <b>Filipos 4:8</b> <i>“Bilang pagtatapos, mga kapatid, <b>lagi ninyong isaisip</b> ang mga bagay na karapat-dapat at kapuri-puri: mga bagay na totoo, marangal, matuwid, malinis, kaibig-ibig, at kagalang-galang.”</i>

6. Pagsasaulo ng mga Talata		<b>Awit 119:11</b> <i>"Ang banal mong kautusa'y sa puso ko iingatan, upang hindi magkasala laban sa iyo kailanman."</i>
<b>PALITAN NG MAGANDA ANG MASAMA</b>		
7. Lumayo sa Tukso		<p><b>Santiago 4:7</b> <i>"Kaya nga, pasakop kayo sa Diyos. Labanan ninyo ang diyablo at lalayuan niya kayo."</i></p> <p><b>I Corinto 10:13</b> <i>"Wala pang pagsubok na dumating sa inyo na hindi nararanasan ng ibang tao. Tapat ang Diyos, at hindi niya ipapahintulot na kayo'y subukin nang higit sa inyong makakaya. Sa halip, pagdating ng pagsubok, bibigyan niya kayo ng lakas upang makayanan ito at ng paraan upang malampasan ito."</i></p>
8. Magdevelop ng Bagong Kasanayan		<b>Colosas 3:1-16</b> <sup>10</sup> <i>Isinuot ninyo ang bagong pagkatao na patuloy na nababago at nagiging kalarawan ng Diyos na lumikha sa inyo, upang lalo ninyo siyang makilala."</i>
9. Pananagutan		<b>Mangangaral 4:9-10</b> <sup>9</sup> <i>Ang dalawa ay mabuti kaysa isa; mas marami ang bunga ng anumang gagawin nila. <sup>10</sup>Kapag nabuwal ang isa, maitatayo siya ng kanyang kasama. Kawawa ang nag-iisa sapagkat walang tutulong sa kanya kapag siya ay nabuwal."</i>

# Aralin 5: Pagtatagumpay Laban sa Kasalanan

HAKBANG	LARAWAN	KASALANAN
PAGWAWAKSI NG KASALANAN		
1. Kilalanin ang Kasalanan		Galit
2. Ipahayag at Mapatawad		Aminin na ikaw ay nagalit o nagagalit..... Patawarin mo po ako sa aking pagiging....
3. Magsisi at Magkumit		Ayokong maging magagalitin sa mga tao sa aking paligid. Nais kong magpamalas ng kabutihan at kaawaan.
PAGBABAGO NG ATING ISIPAN		
4. Araw-araw na Pananalangin		Kailangan ko po ngayon ng tulong upang hindi ako...
5. Pagkokontrol ng Isipan		Kapag ako po ay nagagalit, ang aking iniisip ay _____. Sa halip ay nais kong tandaan na si Jesus ay nagpamalas ng pasensya sa halip ng galit sa pamamagitan ng _____.
6. Pagsasaulo ng mga Talata		<b>Kawikaan 15:18</b> "Ang mainit na ulo ay humahantong sa alitan, ngunit pumapayapa sa kaguluhan ang mahinahong isipan."
PALITAN NG MAGANDA ANG MASAMA		
7. Lumayo sa Tukso		Kapag aking maramdaman na magsisimula akong magalit, lalayo na lang muna ako hanggang ako lalago kumalma.
8. Magdevelop ng Bagong Kasanayan		Kapag nararamdaman kong ako'y nagagalit na, maglalakad muna ako ng mga 5 minuto at hihingi sa Diyos ng tulong upang ako ay tutugon ayon sa nais ng Diyos na paraan.
9. Pananagutan		Makikipagkita ako kay (Juan) linggo-linggo upang talakayin ang aking linggo at mapag-isipan paano ko sana hinarap ang mga pagkakataong ako'y nagalit.

Karaniwang Kasalanan: \_\_\_\_\_

HAKBANG	LARAWAN	KASALANAN
PAGWAWAKSI NG KASALANAN		
1. Kilalanin ang Kasalanan		
2. Ipahayag at Mapatawad		
3. Magsisi at Magkumit		
PAGBABAGO NG ATING ISIPAN		
4. Araw-araw na Pananalangin		
5. Pagkokontrol ng Isipan		
6. Pagsasaulo ng mga Talata		
REPLACE BAD WITH GOOD		
7. Lumayo sa Tukso		
8. Magdevelop ng Bagong Kasanayan		
9. Pananagutan		

# Aralin 7 at 8: Hakbang sa Pagpapalano ng Pagpapamalas ng Pag-ibig

1. **Regular na Magkita** – bilang isang iglesia, kailangang magkita ng regular upang maituon sa Pagpapamalas ng Pag-ibig ang atensyon at hindi maging abala sa ibang bagay na makalimutan na rin ang tungkol dito. Sikaping regular na magkita ng isang beses sa isang buwan para manalangin, talakayin ang Pagpapamalas ng Pag-ibig, at gumawa ng mga plano.
2. **Manalangin ng Sama-sama** – tanging sa kalakasan at karunungan ng Diyos lamang ating makikitang mabago ang ating mga komunidad. Ito ay isang imposibleng gawain kung wala ang Diyos, ngunit kung tayo’y kasama Niya, tayo ay makakapagdala ng kaibahan. Huwag na huwag kalilimutan ang panalangin; huwag padaya na ating maisip na ang ating kayang gawin ay sapat kahit wala ang panalangin!
3. **Suriin ang Kailangan at Manalangin** – Ang bawat isa ay dapat darating sa pagpupulong na may kahandaang talakayin ang kakailanganin. Sa ating pag-asikaso ng mga bagay sa bawat araw, nararapat na ating tinitingnan ang mga bagay na dapat nagagawa o ang mga taong may pangangailangan. At sa pagpupulong, talakayin ang mga dapat magawa. Manalangin ng sama-sama na ipakita ng Diyos sa inyo ang dapat gawin at tulongan kayong makagawa ng plano na magbibigay luwalhati sa Kanya at may mahusay na epekto.
4. **Gumawa ng Plano at Manalangin** – (balikan ang plano sa Modyul 1 kung kinakailangan)
5. **Manalangin at Ipatupad** – Magtakda ng petsa, oras, mga gagamitin, kagamitan, mga taong kailangan at iba pa. Sundin at gawin ang plano.
6. **Suriin at Manalangin upang Magpasalamat** – Tingnan kung ano ang maging epekto at maghandog ng papuri sa Diyos sa Kanyang tulong sa iyo upang magawa at matapos ang Pagpapamalas ng Pag-ibig. Sa aralin tungkol sa pananagutan ay ating higit na matututunan ang marami pang bagay tungkol sa paano gawin ang hakbang na ito at kung ano ang dapat suriin.

## **Aralin 9: Pitong Paraan ng Panghihimuk sa Kapatiran upang Maglingkod**

1. Magturo tungkol sa Kahalagahan ng Paglilingkod
2. Lumikha ng mga Pagkakataon
3. Imbitahin ang Ibang Kapatiran na Makilahok
4. Pagkilala sa mga Nakikilahok at Pasalamatan Sila
5. Lumikha ng Pakiramdam na Mahalaga Ito
6. Sama-samang Nagtatrabaho o Naglilingkod
7. Kasiyahan o Kaaliwan

- Iyo na bang nasubukan ang mga pamamaraang ito? Ano ang nagbubunga ng maganda? Ano ang hindi?
  
- Ano ang ilan sa mga sipi o talata mula sa Biblia na iyong magagamit upang maituro ang kahalagahan ng paglilingkod?
  
- Ano ang ilan sa mga paraan na iyong nagamit upang makilala ang kakayahan ng iba at mapasalamatan sila? Ano ang ibang mga ideya na iyong maaaring subukan?
  
- Paano ka makakalikha ng kasiyahan? Ano ang ilang paraan upang maging kasiya-siya ang paglilingkod?

## Aralin 9: Isang Iglesiang Naglilingkod

Pakiramdam ni Pastor James ay isa siyang talunan. Nalalaman niya kailangan niyang mapaglingkod ang mga miyembro ng kaniyang iglesiang pinaglilingkuran, ngunit hindi niya alam papaano. May isa siyang kaibigan na nagbigay sa kanya ng telepono ni Pastor Moises at iminungkahi na kanyang tawagin ito upang humingi ng payo. Kanya namang tinawagan si Pastor Moises at sa kanilang maikling pag-uusap, siya ay pinayuhan na kailangan niyang makapagtatag ng isang simoy sa simbahan ng simoy ng paglilingkod. Inamin ni Pastor James na wala siyang ideya paano makalikha ng ganitong simoy sa kanyang iglesiang pinaglilingkuran. *‘Huwag kang mag-alala,’* tugon ni Pastor Moises sa kanya, *‘ako rin ay ganyan din noong nakalipas na maraming taon. Sumama ka sa aming mga Paglilingkod at ipapakita ko sa iyo kung ano ang aking ibig sabihin.’*

Nagtagpo sina Pastor James at Pastor Moises sa harapan ng simbahan. Gumaan ang kanyang pakiramdam ng kanyang napansin at naramdaman na tunay at bukal sa puso ni Pastor Moises ang pagtulong sa kanya at hindi upang ipagmalaki sa kanya gaano kalaki ang kanyang iglesia.

Sa kanilang pagpasok sa simbahan, napansin ni Pastor James ang isang napakalaking poster. Ito ay may nakasulat na titulo na *‘Makilahok sa Araw ng Paglilingkod.’* At sa ilalim ng tutulong ito ay may isang talata *‘Mga kapatid, huwag kayong magsasawa sa paggawa ng mabuti. – II Tesalonica 3:13.’* Sa baba nito, nakasulat ang pangkasalukuyang buwan at may mga nakasulat sa tatlong linyang kasunod nito. Sa unang linya ay para sa bilang ng Pagpapamalas ng Pag-ibig na nagawa na sa buwang iyon, ang ikalawang linya ay para sa bilang ng tao na natulungan, at ang ikatlong linya ay para sa bilang ng mga kapatiran na naging kabahagi sa pagtulong.

*‘Ano po ito?’* pagtatanong ni Pastor James.

*‘Mayroon kaming araw ng paglilingkod sa bawat buwan,’* paliwanag ni Pastor Moises. *‘Sa mga araw na iyon ay pinagsisikapan naming mahimuk ang maraming kapatiran na makapaglingkod sa iba sa paraang kayang gawin. Palagian kong iniimbita ang mga kapatiran isulat ang kanilang pangalan sa listahan sa aking tuwing pagmiminsahe, habang ang ibang kapatirang kalahok ay nag-iimbita rin sa kanilang araw-araw na pakikisalamuha sa iba. Ang iba sa kanila ay naglilingkod sa simbahan sa pamamagitan ng pagtulong sa aalaga ng mga tanim o sa pagpipintura ng mga silid. Ang iba ay naglilingkod sa komunidad sa pamamagitan ng pagkukumpuni ng mga bahay o nagsasagawa ng mga aktibidad para sa mga bata. May ilan kaming mga poster sa palibot ng simbahan na nagpapa-alala sa mga kapatiran ng mga petsang nakatakda at matulungan silang makita kung ilan na ang mga natulungan, at gayon din ang bilang ng mga kapatirang nakilahok sa gawaing iyon. Bawat buwan ay aming inililista kung ilang Pagpapamalas ng Pag-ibig ang nagawa, ilang ang natulungan at ilan ang nakibahagi sa gawain. Sa bawat buwan din ay aming sinisikap na itaas o paramihin ang bilang ng mga kapatirang nakikilahok.’*

Habang nagmamasid si Pastor James sa paligid ng simbahan, kanyang napansin na ito nga ay tutuo—may mga poster na naglalaman ng mga talata sa Biblia na humihimuk sa lahat na makilahok. Sa likod na pader ay may mga larawang nakadikit na nagpapakita ng mga gawaing naisakatuparan sa mga nakalipas na buwan. Napakaraming larawan ng mga kapatirang nakikilahok sa iba't-ibang mga gawain: pagtatayo ng mga bahay, pagsasa-ayos ng kalsada, paglilinis ng simbahan, at pagtuturo sa mga bata. Sa itaas ng mga larawan ay may nakasulat na, 'Ating Sama-samang Itatag ang Kaharian ng Diyos.'

Nang nagsimula na ang gawain, may mga kabataang nasisisayaw habang ang buong kapulungan ay nag-aawitan. Matapos ang mensahe ay inimbitahan ni Pastor Moises ang ilang na magbahagi ng kanilang patotoo. Isang may edad na babae ang lumapit at nagbahagi, 'Ako ay naging balo at ngayon ay nag-iisang nag-aalaga sa aming apo. Ang aming munting tahanan ay marami nang sira at butas-butas na rin ang aming bubungan. Ang aking apo naman ay nahihirapan din sa kanyang pag-aaral.' Pagkatapos ay bigla siyang ngumiti sa lahat, 'Ngunit ang iglesiang ito ay dumating sa aming buhay at tinulungan akong maisaayos ang aming bubong. Ang ilang kabataan sa iglesiang ito ay inanyayahan ang aking apo na sumama sa kanilang programa na nagtuturo sa mga bata upang hindi sila bumagsak sa kanilang klase sa iskul. Labis ang aking pasasalamat sa iglesiang ito sa kanilang pag-aaruga sa amin. Maraming Salamat sa inyong lahat!' Ang bawat isa ay naantig sa narinig na patotoo. Nang bumalik sa harapan si Pastor Moises ay kanyang hiniling na tumayo ang lahat na tumulong sa pagkukumpuni ng bubungan ni nanay at ang lahat ng kabataang tumutulong sa pag-aaral ng apo ni nito. At habang tumatayo ang mga kapatirang nakilahok ay sinalubong sila ng isang masigabong palakpakan at hiyawan ng pasasalamat. Lahat silang tumulong ay tumayong masayang-masaya na kaagad din namang nagsi-upo. Nanalangin si Pastor Moises ng maikli para kay nanay at sa grupong naglingkod kay nanay— kanyang pinasalamatan ang Diyos sa kagustuhang makatulong ng mga kapatiran, kanya ring pinasalamatan ang Diyos sa paggamit sa mga kapatiran, at kanyang hiniling sa Diyos na patuloy na tulungan ang iglesia na makapagbigay kaluwalhatian sa Diyos sa pamamagitan ng Pagpapamalas ng Pag-ibig sa iba. Pagkatapos ay pina-alalahanan ni Pastor Moises ang kapulungan ng petsa ng panibagong araw ng paglilingkod na magaganap sa susunod na 2 linggo. Kanyang sinabihan ang kapulungan na kailangang kumilos ang buong katawan ng sama-sama kung ibig nilang itatag ang Kaharian ng Diyos. Kanyang pina-alalahanan sila na walang bahagi ng katawan ng walang saysay o pakinabang, tulad ng katawan ng isang tao, na kung may bahaging hindi gagampan ng kanyang papel, ang buong katawan ay magdurusa. Kanya rin hiniling sa mga nakilahok na pagdurusa kanilang siguraduhing nakapag-imbata sila ng iba na makikilahok sa araw ng paglilingkod.

Habang ang gawain ay nagpapatuloy, kinunsidera ni Pastor James ang lahat ng kanyang nakita at narinig. Kanya bang ikinagulat bakit napakaraming kapatiran ang nakikilahok sa kanilang regular na Pagpapamalas ng Pag-ibig? Kanyang napagtanto sa wakas kung ano ang ibig sabihin ni Pastor Moises nang kanyang sinabi na kailangan niyang magtatag ng simoy ng paglilingkod.

- Paano naipakita sa kwentong ito ang mga paraan ng panghihimuk upang makilahok ang nakakarami?
- Ano ang ilang mga ideya na iyong natutunan na maaaring magawa mo rin ng may kahusayan sa iyong iglesia?